




IN LAVDEM
HENRICI IV.
CHRISTIANISSIMI
GALLIARVM ET NAVARRAE
REGIS.

Carmina.

Interpublicas Roberti Fidelij Ariminen.
disputationes cantata.



ROMAE, Apud Aloysium Zannettum. MDCIII.
SUPERIORVM PERMISSV.



HENRICVS III

D·G·

GALLIÆ ET NAVARRÆ

REX

CHRISTIANISSIMVS

IN LAVDEM HENRICI IV.
Christianissimi Galliae, & Nauarrae
Regis Carmina, inter disputan-
dum cantata.

CHORVS. I.



ATTICAS inter modulata rixas
Bella Celtarū, Phrygiaeq; magnos
Galliae partus Cithara remisce
Musa FIDELI.

Mater ò salve generosa Regum,
Mater Heroum; tibi semper vni
Nascitur Regnis Procerum, Ducumq;
Apra propago.
Talis vmbrosa properans ab Ida
Sustinet turres Cybele minantes
Coelites centum, Superumque centum
Foeta maniplos.

Nulla sed proles Phrygiae parentis
Certet HENRICO nimis ausa Regi,
Bina qui quassat, geminisque iungit
Sceptra Coronis.

Prima quæ cantu sequar, aut relinquam
Vltima Orphæis celebranda chordis?
Quæ prius puro iubeam vagari
Tramite mundi?

Dicam an vt coeli genitus sub auras,
Asperum tangi manibus colubrum

Paruus elisit puer, absciditq;
Colla cerastæ?
I puer faustis auibis pericla
Inter, & mortem, tibi nil nocebit
Liuor Alcidi minitatus alto
Dixit Haruspex.
Iam fidem fecere bene ominatis
Facta, pennatæ celebrata Famæ
Cantabros inter, Senones & inter
Inter & Andes.
Herculis ritu sine fraude vicit
Regna terrarum vagus, & paterno
Redditus sceptro, placida Penates
Pace beauit.
Adde nunc lauro socias oliuas
Victor, & bello studium Mineræ:
Sic leues inter colitur Camoenas
Herculis ara.

CHORVS I.

SOLERTIS SAPIENTIA,
O fœtura Promethei,
Græcis culta sub atrijs,
Atticisque Lycæis,
Ne tubæ strepitum fuge,
Neu Gallæ Berecynthia,
Arma Celtica, matribus
Formidata Britannis.
Non te parma, nec aspera
Aegis

Aegis Gorgone dedecet ;

Non te pectora, lamina

Lorycata trilicis

Sic te munijs Attica,

Sic te GALLIA diligit,

Martis hospita GALLIA,

Hospes illa Minervae.

CHORVS III

VTCVMQVE meos aspicias ausus
HENRICE Ducum maxime Ductor,

Meque sub altae moenia Pisae

Ducis ad amplae praemia laudis.

Qualis trita Castor arena

Elea levis bella lacessem,

Cruda qualis gymnade Pollux

Fugiam doctae lora Terapnes.

CHORVS IV

BELLATA Celtis praelia
Neruis parabam flectere,

Et Carolos iam ceperam,

Iam Balduinos dicere ;

Iam Ludouici classica

Mari timenda Punico ;

Et quae molari moenia

Gotfridus Urbis diruit.

Sed nec Duces, nec praelia

A ;

Tam

Tam prisca respondent fides;
Te reddit vnum barbiton
HENRICE Regum maxime.

CHORVS V.

NON Daphnidem, non Pausiam
Sinam capillo serpere,
Sed flaua Regis lilia
Campo resecta coeruleo.

Non hos Atlantis Insulae,
Non hos Adonis hortuli;
Fœcunda non hos areis
Corcyra flores educat.
His sæpe compta scilicet
Victrix triumphat GALLIA;
His impedita Pieris
Parua Gallis occinit.

CHORVS VI. OHO

PACIS æternæ patere o corollas;
MAGNE REX inter viridare lauros:
Fronde nam crines amat impedire
Pallas vtraque:
Pace quin gaudes niuea rebelles,
Pace qui dones, iubeasq; Ciues
Esse, quos bello domuisse remur,
Hercule maius.
Talis Alcides domuit nocentem

Creticis Taurum populis, nec vltra
Sæuijt, DIGNVM DVCIBVS, DE O-

QVE EST

PARCERE VICTIS.

Nec ferox hostes minus in superbos
GALLVS ALCIDES fuit, & duello
Nescios vinci superauit aurea

Arte Gigantes.

Fregit erectos nimium, malisque
Fraudibus Regum capita appetentes;
Fregit insanos, & iniqua semper
Bella nouantes.

Arcadum qualis, Nemeæque monstrum,
Qualis informem pecoris magistrum,
Qualis Antæum malè funerauit

Maximus Heros.

Hoc decet mitem, decet hoc seuerum

Imperi Regem: voluisse victis
Parcere, & gentes abolere cruda

Cæde superbas.

Perge; sic cælum pete. sic in astra
Itur, & sedes Superum tenentur,
Sic tibi semper rediuiua surget

Fama superstes.

Ante sed Gallis sociata turmis,
Ductor in Thraces inimica verte
Signa, quæ patres timuere Campis
Sæpè Latinis.

ROBERTI FIDELII ARIMINENSIS.

Præfatio dicta sub initium disputandi ad
Cardinales.



E FORTUNA; qui locus in positionum serie fuit à me prætermis-
sus, breuiter, ac strictim, vestra cum venia
(Cardinales Amplissimi)libet hac prolu-
sione certaminis explicare. Nascatur
igitur inde quæstio, vnde suscepta rerum
obscurarum institutio duci solet, quæ-

raturque, sit Fortuna necne, hoc est causa quædam incerta,
temeraria, inconstans, atque, vt semel dicam, extrinsecus, ac
foris accedens. Nam Fortuna illa hera, & domina rerum, &
cui gentium superstitio diuinitatem adscripsit, vel ab ethni-
cis Sapientibus satis exhibilata videtur: & quæ à Stoicis, vt est
apud Simplicium, causa humane menti minimè nota puta-
batur, explosa est à Lactantio, quasi ridicula, & iocularis: quæ
denique ab alijs per orbem diffusa vis credita est, à qua in al-
teram partem impelleretur animus, cum in deliberatione
penderet incertus, ridetur à bonis Philosophis, veluti quorun-
dam commentum, qui velint in re stulta, vt dixit ille, videri
sapientes.

His ergo Fortunæ notionibus è disputatione depulsis, illud
in quæstionem cadit, vtrum aliqua causa sit, quantumuis ex-
terna, atque aduentitia, cui Fortunæ nomen sit imponendum;
& qua-

& quatenus humanis concedenda rebus videatur. Video enim placuisse Pythagoræ, Stoicisque, nihil cadere Fortuna; sed omnia certis ex causis, necessariisque manare: Contra Leucippo, Democrito, atque Epicuro, nihil esse in rerum vniuersitate, quod Fortuna non regatur & Casu. Sed statuo cum Aristotele, ac Platone, auctoribus sapientiæ, neque omnia fluere Casu neque nulla, sed quædam esse, quæ ad instabilem Fortunæ causam omnino referenda videantur. Quæ cum dico, nullam diuinæ sapientiæ, cui nihil fortuitum est, habeo rationem, sed prudentiæ nostræ, qui veluti pusillæ intelligentiæ animantes, paucissima in tanta rerum vicissitudine prouidemus: Quot enim sunt, quæ nec opinantibus nobis eueniunt, & quidem è causis, ex quibus fieri non debuissent? ista videlicet nobis fortuita sunt, & quæ, nisi referantur ad Casum, nullam habeant causam, à qua nascantur. Docet id vel ipsa gentium, hominumque consensio, qui vulgò Fortunæ, Casusque nomina ijs attribuunt causis, ex quibus aliquid existit inconstanter, & ratò Si enim antiquorum superstitionem excipias, etiam hoc tempore dicere possis, quod est apud Plinium, toto mundo nominari Fortunam, vnam accusari, vnam agi ream, vnam argui, vnam laudari, huic omnia expensa, huic omnia referri accepta, atque in tota ratione mortalium solam esse, quæ vtramque paginam facere videatur.

Quare cum sit omnibus ita persuasum, aliqua esse in rerum vniuersitate, quibus à Fortuna nomen faciendum sit, ut in quaestione tam lubrica, hoc est de Casu, sine casu nos, atque prolapione versemur, constituamus oportet, illa esse fortuita, quæ, tametsi non experuntur à nobis, eueniunt tamen, & quidem cum alià oninia cogitamus. Nihil profectò tale cogitabat, qui in Chiorum lapidicinis, saxo difisso, Panisci caput ita descri-

descriptum inuenit, vt factum à Scopis existimares. Roga hominem, ecquid causæ fuisse putet, cur id cædendo lapide reperiret; Fortunam illico respondebit.

Quære amplius ecquis ita formarit Panisci caput; auctorem haud dubiè faciet Casum, nec imprudenter. Cum enim Praxitelia capita detractioe solùm efficiantur, quidni effici potuerit, vt in Chiorum lapidicinis detractis magis, ac magis stillicidio partibus, ad oris tandem lineamenta perueniretur? Quod si pro Panisco thesaurum offendisset; enimuero se non tam scelicem, quàm fortunatum exclamasset. Quid ita? quia, dum de saxo demoliendo cogitat, apparuit aurum, nihil tale quærenti, neque propterea laboranti.

DE FORTVNA generatim, vniuersæque sic diximus; quæ à positionibus excludenda idcirco fuit, atque in hac disputatione ita perstringenda, vt diceremus vnum de tua FORTVNATISSIME REX HENRICE, quem ex tam alto fastigio labori velificantem meo, hæc appellat, atque implorat oratio. Cuius ego Fortunam cum nomino, nihil de virtute, nihil de sapientia, atque consilio, nihil de gloria detractum, aut imminutum volo. Scitum est enim; quod tradunt summi bellicæ rei magistri, optimum Imperatorem non modò altissimi virum consilij esse oportere, sed eximiæ quoque, singularisque Fortunæ: quæ duo in te ita præter morem vnà consenserunt, vt non facile sit constituere, vtrum consilium fortunatius sit, an Fortuna sapientior. Quântum enim est istud Deus immortalis? bonam mentem cum bona Fortuna, summam Fortunam summa cum clementia coniunxisse? Alijs si Fortuna conceditur; inimica rationi conceditur, atque, vt est apud Pacuuium cæca, bruta, insana, & saxo insistens volubili: Sed quæ tibi concessa diuinitus est, omnem temeritatem excludit,

cludit, vniue tibi videtur alas, hoc est inconstantiam suam
 deposuisse. Aliorum est superba Fortuna, sed nihil humanius
 tua: cuius vnum videtur opus, ac munus, dare veniam inimi-
 cis, vt in tanta tua clementia, quod dixit ille, vnam à te om-
 nes iniuriam habeant, quod eos viuere oporteat ob magnitu-
 dinem tuæ liberalitatis ingratos. Iste profectò animus tam
 magnam Fortunam decebat, animus inquam placabilis, at-
 que tranquillus, animus clemens, ac liberalis, animus excel-
 sus, atque erectus, animus, qui offensiones, iniuriasque parta
 victoria obliteraret. Elephantes, Leonesq; aiebat Romanus
 Sapiens, transeunt, quem impulerunt: sed pertinacia, atque in
 prostratos sauitia ignobilium est bestiarum, vt intelligas, non
 esse summæ Fortunæ inexorabilem iram, quæ à maioribus
 quoque belluis est aliena. Quare fruire nunc ista gloria CLE-
 MENTISSIME REX, vtere tanta Fortuna seruando, quos
 viceris: neque ab ista prolixitate me vnum exclude, quem vi-
 des in hoc portu auram tuæ benignitatis expectantem.

GRATIARVM ACTIO.



REGIS optimi, humanissimiq; presidio, & vestra (Cardinales) aduocatione ab hoc ingeniorum discrimine tandem aliquando ereptus, ago equidem, quibus tantopere debeo, gratias immortales: sed facio potius omnium more, quam quod existimem tantis viris gratias agi posse pro dignitate. Quicquid enim animo possum assequi cogitando, nimirum quantum & voto meo, & vestra prolixitate mihi videtur angustius. Confugiam ergo ad Stoicorum pronuntiata, in eamque me sententiam trahi facile patiar, ut non ingratum purem, qui benigne facientium officia, eorum praesertim, quibus nulla par gratia reddi possit, quadam in accipiendo vultus hilaritate persequatur. Sed quod ad re nominatim attinet CLEMENTISSIME, AC LIBERALISSIME REX, illa me cogitatio consolatur, quod beneficia foenerari, priuata Fortune sit, non istius, cuius liberalitas tantum caterorum Principum vincit benignitatem, quantum Principes ipsi priuatis hominibus antecellunt.

